

TROISIÈME LEÇON.

DIXIT autem Maria ad Angelum : Quómodo fiet istud, quóniam virum non cognóscó? Et respóndens Angelus, dixit ei : Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elisabeth cognáta tua, et ipsa concépit filium in senectúte sua ; et hic mensis sextus est illi quæ vocátur stérilis ; quia non erit impossibile apud Deum omne verbum. Dixit autem Maria : Ecce ancilla Dómini, fiat mihi secúndum verbum tuum. Tu autem, Dómine, miserére nobis. *ñ.* Deo grátias.

On omet le Répons suivant, quand on doit dire le Te Deum.

ñ. Súscipe verbum, Virgo Maria, quod tibi a Dómino per Angelum transmissum est : concípies, et páries Deum páriter et hóminem : * Ut benedícta dicáris inter omnes mulieres. *ÿ.* Páries quidem filium et virginitátis non patiéris detriméntum : efficiéris grávida, et eris mater semper intácta. * Ut. *ÿ.* Glória Patri, et Filio, et Spíritui sancto. * Ut.

A LAUDES.

DEUS, † in adjutórium meum inténde.
ñ. Dómine, ad adjuvándum me festína.
ÿ. Glória Patri, etc. Allel., ou Laus, etc.

De la Purification à l'Avent :

Ant. Assúpta est.

Pendant l'Avent :

Ant. Missus est.

De Noël à la Purification :

Ant. O admirábile commércium !

PSAUME 92.

DOMINUS regnávít, decórem indútus est : *
indútus est Dóminus fortitúdinem, et
præcínxit se.

Etenim firmávit orbem terræ, * qui non
commovébitur.

Paráta sedes tua ex tunc : * a sæculo tu es.

Elevavérunt flúmina, Dómine : * elevavérunt flúmina vocem suam.

Elevaverunt flúmina fluctus suos : * a
vóribus aquárum multárum.

Mirábiles elatiónes maris : * mirábilis in
altis Dóminus.

Testimónia tua credibília facta sunt ni-
mis : * domum tuam decet sanctitúdo, Dó-
mine, in longitúdinem diérum.

Glória Patri, etc.

De la Purification à l'Avent :

Ant. Assúpta est María in cœlum : gau-
dent Angeli, laudántes benedicunt Dómi-
num. (T. P. Allelúia.)

Ant. María Virgo.

Pendant l'Avent :

Ant. Missus est Gábríel Angelus ad Ma-
ríam Virgínam desponsátam Joseph.

Ant. Ave, María.

De Noël à la Purification :

Ant. O admirábile commércium ! Créator
géneris humáni, animátum corpus sumens,
de Virgíne nasci dignátus est : et procedens
homo sine sémíne, largítus est nobis suam
deitátém.

Ant. Quando natus es.

JUBILATE Deo, omnis terra : * servíte Dó-
mino in lælítia.

Introíte in conspéctu ejus : * in exultatióne.

Scitóte quóniam Dóminus ipse est Deus : *
ipse fecit nos, et non ipsi nos.

Pópulus ejus, et oves páscuæ ejus : * in-
troíte portas ejus in confessióne, átria ejus
in hymnis : confitémini illi.

Laudáte nomen ejus : quóniam suávis est
Dóminus, in ætérnum misericórdia ejus : *
et usque in generatióne et generatióne
véritas ejus.

Glória Patri, etc.

De la Purification à l'Avent :

Ant. María Virgo assúpta est ad æthé-
reum thálamum, in quo Rex regum stelláto
sedet sólio. (T. P. Allelúia.)

Ant. In odórem.

Pendant l'Avent :

Ant. Ave, María, grátia plena ; Dóminus
tecum : benedícta tu in muliéribus, ¹ allelúia.

Ant. Ne tíneas, María.

¹ Pendant le Carême, on omet l'alleluia.

De Noël à la Purification :

Ant. Quando natus es ineffabiliter ex Virgine, tunc implētæ sunt Scripturæ : Sicut plúvia in vellus descendísti, ut salvum fáceres genus humánum : te laudámus, Deus noster.

Ant. Rubum quem viderat Móyses.

PSAUME 62.

DEUS, Deus meus, * ad te de luce vígilo.

Sitívit in te ánima mea, * quam multiplíciter tibi caro mea.

In terra desérta, et ínvia, et inaquósa : * sic in sancto appáruí tibi, ut vidérem virtútem tuam, et glóriam tuam.

Quóniam mélior est misericórdia tua super vitas : * lábia mea laudábunt te.

Sic benedicam te in vita mea : * et in nómine tuo levábo manus meas.

Sicut ádipe et pinguédine repleátur ánima mea : * et lábiis exultatiónis laudábit os meum.

Si memor fui tui super stratum meum, in matutínis meditábor in te : * quia fuísti adjútor meus.

Et in velaménto alárum tuárum exultábo, adhæsit ánima mea post te ; * me suscepit dextera tua.

Ipsi vero in vanum quæsiérunt ánimam meam, introibunt in inferióra terræ : * tradéntur in manu gládii, partes vúlpium erunt.

Rex vero lætábitur in Deo, laudabúntur omnes qui jurant in eo : * quia obstrúctum est os loquéntium iniqua.

(On ne dit point ici Glória Patri.)

PSAUME 66.

DEUS misereátur nostri, et benedicat nobis : * illúminet vultum suum super nos, et misereátur nostri.

Ut cognoscámus in terra viam tuam : * in ómnibus géntibus salutáre tuum.

Confiteántur tibi pópuli, Deus : * confiteántur tibi pópuli omnes.

Læténtur et exúltent gentes : * quóniam júdicas pópulos in æquitáte, et gentes in terra dirigis.

Confiteántur tibi pópuli, Deus, confiteántur tibi pópuli omnes : * terra dedit fructum suum.

Benedicat nos Deus, Deus noster, benedicat nos Deus : * et métuant eum omnes fines terræ.

Glória Patri, etc.

De la Purification à l'Avent :

Ant. In odórem unguentórum tuórum cúrrimus : adolescéntulæ dilexérunt te nimis. (T. P. Alleluía.)

Ant. Benedícta filía.

Pendant l'Avent :

Ant. Ne tímeas, María : invenísti grátiam apud Dóminum ; ecce concípies, et páries filium, ¹ alleluía.

Ant. Dabit ei Dóminus.

De Noël à la Purification :

Ant. Rubum quem viderat Móyses incombústum, conservátam agnóvimus tuam laudábilem virginitátem : Dei Génitrix, intercède pro nobis.

Ant. Germinávit radix Jesse.

CANTIQUE DES TROIS ENFANTS. *Dan.*, 3.

BENEDICITE, ómnia ópera Dómini, Dómino : * laudáte et superexaltáte eum in sæcula.

¹ Pendant le Carême, on omet l'alleluia.

Benedícite, Angeli Dómini ; Dómino : * benedicíte, cœli, Dómino.

Benedícite, aquæ omnes, quæ super cœlos sunt, Dómino : * benedicíte, omnes virtútes Dómini, Dómino.

Benedícite, sol et luna, Dómino : * benedicíte, stellæ cœli, Dómino.

Benedícite, omnis imber et ros, Dómino : * benedicíte, omnes spíritus Dei, Dómino.

Benedícite, ignis et æstus, Dómino : * benedicíte, frigus et æstus, Dómino.

Benedícite, rores et pruína, Dómino : * benedicíte, gelu et frigus, Dómino.

Benedícite, glácies et nives, Dómino : * benedicíte, noctes et dies, Dómino.

Benedícite, lux et ténebræ, Dómino : * benedicíte, fúlgura et nubes, Dómino.

Benedicat terra Dóminum : * laudet et superexáltet eum in sæcula.

Benedícite, montes et colles, Dómino : * benedicíte, univérsa germinántia in terra, Dómino.

Benedícite, fontes, Dómino : * benedicíte, mária et flúmina, Dómino.

Benedícite, cete, et ómnia quæ movéntur

in aquis, Dómino : * benedicite, omnes vólucres cœli, Dómino.

Benedicite, omnes béstiæ et pécora, Dómino : * benedicite, filii hóminum, Dómino.

Benedicat Israel Dóminum : * laudet et superexáltet eum in sæcula.

Benedicite, sacerdótes Dómini, Dómino : * benedicite, servi Dómini, Dómino.

Benedicite, spíritus, et ánimæ justórum, Dómino : * benedicite, sancti, et húmiles corde, Dómino.

Benedicite, Ananía, Azaría, Mísaël, Dómino : * laudáte et superexaltáte eum in sæcula.

Benedicámus Patrem, et Fílium, cum sancto Spíritu : * laudémus et superexaltémus eum in sæcula.

Benedictus es, Dómine, in firmaménto cœli : * et laudábilis, et gloriósus, et superexaltátus in sæcula.

(On ne dit point ici Glória Patri.)

De la Purification à l'Avent :

Ant. Benedícta filia tu a Dómino : quia per te fructum vitæ communicávimus. *(T. P. Al.)*

Ant. Pulchra es.

Pendant l'Avent :

Ant. Dabit ei Dóminus sedem David patris ejus, et regnabit in ætérnum.

Ant. Ecce ancilla Dómini.

De Noël à la Purification :

Ant. Germinávit radix Jesse, orta est stella ex Jacob, Virgo péperit Salvatórem : te laudámus, Deus noster.

Ant. Ecce María.

PSAUME 148.

LAUDATE Dóminum de cœlis : * laudáte eum in excélsis.

Laudate eum, omnes Angeli ejus : * laudáte eum, omnes virtútes ejus.

Laudáte eum, sol et luna : * laudáte eum, omnes stellæ et lumen.

Laudáte eum, cœli cœlórum : * et aquæ omnes, quæ super cœlos sunt, laudent nomen Dómini.

Quia ipse dixit, et facta sunt : * ipse mandávit, et creáta sunt.

Státuit ea in ætérnum, et in sæculum sæculi : * præcéptum pósuit, et non præteríbit.

Laudáte Dóminum de terra, * dracónes et omnes abyssi;

Ignis, grando, nix, glácies, spíritus procellárum, * quæ faciunt verbum ejus;

Montes et omnes colles : * ligna fructífera, et omnes cedri;

Béstiae et univérsa pécora : * serpéntes et vólucres pennátæ;

Reges terræ et omnes pópuli : * príncipes et omnes júdices terræ;

Júvenes et vírgines, senes cum junióribus laudent nomen Dómini : * quia exaltátum est nomen ejus solius.

Conféssio ejus super cœlum et terram : * et exaltávit cornu pópuli sui.

Hymnus ómnibus sanctis ejus : * filiis Israel, pópulo appropinquánti sibi.

(On ne dit point ici Glória Patri.)

PSAUME 149.

CANTATE Dómino cánticum novum : * laus ejus in ecclésia sanctórum.

Lætétur Israel in eo, qui fecit eum : * et filii Sion exúltent in rege suo.

Láudent nomen ejus in choro : * in tympano et psaltério psallant ei.

Quia beneplácitum est Dómino in pópulo suo : * et exaltábit mansuétos in salútem.

Exultábunt sancti in glória : * lætabúntur in cubílibus suis.

Exaltatiónes Dei in gútture eórum : * et gládii ancípites in mánibus eórum :

Ad faciéndam vindíctam in natió nibus, * increpatiónes in pópulis :

Ad alligá ndos reges eórum in compédi bus : * et nóbiles eórum in mánicis férreis.

Ut fá ciant in eis júdicium conscriptum : * glória hæc est ómnibus sanctis ejus.

(On ne dit point ici Glória Patri.)

PSAUME 150.

LAUDATE Dóminum in sanctis ejus : * laudáte eum in firmaménto virtútis ejus.

Laudáte eum in virtútibus ejus : * laudáte eum secúndum multítúdinem magnítúdinis ejus.

Laudáte eum in sono tubæ : * laudáte eum in psaltério et cíthara.

Laudáte eum in tympano et choro : * laudáte eum in chordis et órgano.

Laudáte eum in cymbalis benesenánti-

38 PETIT OFFICE DE LA TRÈS-SAINTE VIERGE,
bus, laudate eum in cymbalis jubilationis : *
omnis spiritus laudet Dominum.
Gloria Patri, etc.

De la Purification à l'Avent :

Ant. Pulchra es, et decora, filia Jerúsalem :
terribilis ut castrorum acies ordinata.
(*T. P.* Alleluia.)

Pendant l'Avent :

Ant. Ecce ancilla Domini, fiat mihi secundum verbum tuum.

De Noël à la Purification :

Ant. Ecce Maria genuit nobis Salvatorem,
quem Joannes videns exclamavit, dicens :
Ecce Agnus Dei, ecce qui tollit peccata
mundi, ¹ alleluia.

De Noël à l'Avent :

CAPITULE. *Cant.* 6.

VIDERUNT eam filiae Sion, et beatissimam
predicaverunt, et reginae laudaverunt
eam. *ñ.* Deo gratias.

¹ Le Dimanche de la Septuagésime et les jours suivants, on omet l'alleluia.

A LAUDES.

39

Pendant l'Avent :

CAPITULE. *Is.* 11.

EGREDIETUR virga de radice Jesse, et flos
de radice ejus ascendet : et requiescet
super eum Spiritus Domini. *ñ.* Deo gratias.

HYMNE.

O GLORIOSA Virginum,
Sublimis inter sidera,
Qui te creavit, parvulum
Lactente nutris ubere.
Quod Heva tristis abstulit,
Tu reddis almo germine :
Intrent ut astra flébiles,
Cœli reclúdis cardines.
Tu Regis alti janua,
Et aula lucis fúlgida :
Vitam datam per Virginem,
Gentes redemptæ, pláudite.
Jesu, tibi sit glória,
Qui natus es de Virgine,
Cum Patre, et almo Spiritu,
In sempiterna sæcula. Amen.

γ. Benedicta tu in mulieribus. (*T. P.* Alleluia.) *ñ.* Et benedictus fructus ventris tui.
P. Alleluia.)

*De la Purification à l'Avent :**Ant.* Beáta Dei Génitrix.*Au temps de Pâques :**Ant.* Regína cœli.*Pendant l'Avent :**Ant.* Spíritus sanctus.*De Noël à la Purification :**Ant.* Mirábile mystérium.CANTIQUE DE ZACHARIE. *Luc. 1.*

BENEDICTUS † Dóminus Deus Israel, * quia visitávit, et fecit redemptiónem plebis suæ ;

Et eréxit cornu salutis nobis, * in domo David púeri sui.

Sicut locútus est per os sanctorum, * qui a sæculo sunt, prophetarum ejus :

Salútem ex inimicis nostris, * et de manu omnium, qui odérunt nos :

Ad faciendam misericordiam cum pátribus nostris : * et memorári testaménti sui sancti.

Jusjurándum, quod jurávit ad Abraham patrem nostrum, * datúrum se nobis :

Ut sine timóre, de manu inimicórum nostrórum liberáti, * serviámus illi.

In sanctitáte et justítia, coram ipso, * omnibus diébus nostris.

Et tu, puer, Prophéta Altíssimi vocáberis, * præibis enim ante fáciem Dómini paráre vias ejus :

Ad dandam sciéntiam salutis plebi ejus, * in remissionem peccatórum eórum.

Per víscera misericórdiæ Dei nostri : * in quibus visitávit nos, óriens ex alto :

Illumináre his qui in ténebris et in umbra mortis sedent : * ad dirigéndo pedes nostros in viam pacis.

Glória Patri, etc.

De la Purification à l'Avent :

Ant. Beáta Dei Génitrix María, Virgo perpétua, templum Dómini, sacrárium Spíritus sancti : sola sine exémplo placuísti Dómino nostro Jesu Christo : ora pro pópulo, intéveni pro clero, intercède pro devóto femíneo sexu.

Au temps de Pâques :

Ant. Regína cœli, lætare, allelúia ; quia quem meruísti portáre, allelúia, resurrexit

sicut dixit, allelúia : ora pro nobis Deum, allelúia.

Pendant l'Avent et le jour de l'Annonciation :

Ant. Spíritus sanctus in te descendet, María : ne timeas, habébis in útero Fílium Dei, ¹ allelúia.

De Noël à la Purification :

Ant. Mirábile mystérium declarátur hódie : innovántur natúra, Deus homo factus est : id quod fuit permánsit, et quod non erat assúpsit, non commixtiónem passus neque divisiónem.

Kyrie, eléison.

Christe, eléison. Kyrie, eléison.

ŷ. Dómine, exáudi oratiónem meam. R. Et clamor meus ad te véniat.

De la Présentation à Noël.

Orémus.

DEUS, qui de beátæ Mariæ Virginis útero, Verbum tuum, Angelo nuntiánte, carnem suscipere voluisti, præsta supplicibus tuis, ut qui vere eam Genitricem Dei crédimus, ejus apud te intercessiόνibus adjuvé-

¹ Pendant le Carême, on omet l'alleluia.

mur. Per eúmdem Christum Dóminum nostrum. R. Amen.

De Noël à la Purification-

Orémus.

DEUS, qui salutis æternæ, beátæ Mariæ virginitate fœcúnda, humano géneri præmia præstitisti, tribue, quæsumus, ut ipsam pro nobis intercédere sentiámus, per quam merúimus auctórem vitæ suscipere Dóminum nostrum Jesum Christum Fílium tuum. R. Amen.

Aux Heures, on ajoute : Qui tecum vivit, etc.

COMMÉMORAISON DE TOUS LES SAINTS.

De Noël à l'Avent :

Ant. Sancti Dei omnes, intercédere dignémini pro nostra, omniúmque salute. (T. P. Allelúia.)

ŷ. Lætámini in Dómino, et exultáte, justi. (T. P. Allelúia.) R. Et gloriámini, omnes recti corde. (T. P. Allelúia.)

Orémus.

PROTEGE, Dómine, pópulum tuum, et Apostolorum tuórum Petri et Pauli, et alió-

rum Apostolorum patrocinio confidentem,
perpétua defensione conserva.

OMNES Sancti tui, quæsumus, Dómine, nos
ubique adjuvent, ut dum eorum mé-
rita recólimus, patrocinia sentiámus; et
pacem tuam nostris concède temporibus, et
ab Ecclesia tua cunctam repelle nequitiam;
iter, actus, et voluntates nostras, et óm-
nium famulorum tuorum, in salutis tuæ
prosperitate dispóne; benefactoribus nostris
sempiterna bona retribue, et omnibus fidé-
libus defunctis réquiem æternam concède.
Per Dóminum nostrum Jesum Christum
Filium tuum, qui tecum vivit et regnat in
unitate Spiritus sancti, Deus, per ómnia sæ-
cula sæculorum. *ñ.* Amen.

ÿ. Dómine, exáudi, etc.

*Pendant l'Avent, la Commémoraison de tous
les saints se fait de la manière suivante :*

Ant. Ecce Dóminus véniet, et omnes
Sancti ejus cum eo : et erit in die illa lux
magna, allelúia.

ÿ. Ecce apparébit Dóminus super nubem
cándidam. *ñ.* Et cum eo sanctorum millia.

Orémus.

CONSCIENTIAS nostras, quæsumus, Dómine,
visitando purifica, ut véniens Jesus
Christus Filius tuus Dóminus noster, cum
ómnibus sanctis, parátam sibi in nobis in-
véniat mansiónem. Qui tecum vivit et re-
gnat in unitate Spiritus sancti, Deus, per
ómnia sæcula sæculorum. *ñ.* Amen.

ÿ. Dómine, exáudi orationem meam. *ñ.*
Et clamor meus ad te véniat.

ÿ. Benedicámus Dómino. *ñ.* Deo grátias.

ÿ. Fidélium animæ, per misericórdiam
Dei, requiescant in pace. *ñ.* Amen.

*Si l'on termine ici l'Office, il faut dire ce
qui suit : autrement on le dit à la fin de la
dernière Heure :*

Pater noster, tout bas; ensuite :

ÿ. Dóminus det nobis suam pacem. *ñ.* Et
vitam æternam. Amen.

*Puis on dit l'une des Antiennes suivantes
en l'honneur de la très-sainte Vierge, pen-
dant laquelle on se tient à genoux, excepté
depuis le Samedi, à Vêpres, jusqu'au Di-
manche, après Complies, inclusivement. et*

au Temps de Pâques, qu'on se tient debout.
Après le *ÿ*. *Divinum auxilium, etc.*, on
dit la prière *Sacrosanctæ, etc.*, page 105.

Récitant l'Office en particulier, on peut ne
dire l'Antienne de la très-sainte Vierge qu'a-
près les Laudes et les Complies : et terminer
la dernière des autres Heures par un Pater,
tout bas.

ANTIENNES A LA TRÈS-SAINTE VIERGE.

Pendant l'Avent :

ANTIENNE.

ALMA Redemptoris Mater, quæ pèrvia cœli
Porta manes, et stella maris, succurre
cadenti,
Surgere qui curat, pópulo, tu quæ ige-
nuísti,
Natura mirante, tuum sanctum Genitorem,
Virgo prius ac postérius, Gabriélis ab ore.
Sumens illud Ave, peccatorum miserere.
ÿ. Angelus Dómini nuntiávit Mariæ. *ñ*. *E*
concepit de Spíritu sancto.

Orémus.

GRATIAM tuam, quæsumus, Dómine, mén-
tibus nostris infunde, ut qui, Angelo
nuntiante, Christi Filii tui incarnationem
cognóvimus, per passionem ejus et cru-
cem, ad resurrectionis glóriam perducá-
mur. Per eúndem Christum Dóminum
nostrum. *ñ*. Amen.

ÿ. *Divinum auxilium máneat semper no-
biscum. ñ. Amen.*

Depuis Noël inclusivement, jusqu'à la Pu-
rification aussi inclusivement, on dit l'Ant.
Alma avec ce qui suit :

ÿ. Post partum, Virgo, invioláta perman-
sísti. *ñ*. Dei Génitrix, intercède pro nobis.

Orémus.

DEUS, qui salutis æternæ, beatæ Mariæ vir-
ginitate fœcúnda, humano generi præ-
mia præstitísti, tribue, quæsumus, ut
ipsam pro nobis intercédere sentiámus, per
quam merúimus auctórem vitæ suscipere
Dóminum nostrum Jesum Christum Filium
tuum. *ñ*. Amen.

ÿ. *Divinum auxilium, etc.*

Depuis le lendemain de la Purification jusqu'au Samedi saint :

ANTIENNE.

AVE, Regina cœlorum,
Ave, Dômina Angelôrum :
Salve, radix, salve, porta,
Ex qua mundo lux est orta.

Gaude, Virgo gloriôsa,
Super omnes speciôsa :
Vale, o valde decôra,

Et pro nobis Christum exôra.

ÿ. Dignâre me laudâre te, Virgo sacrâta.
R. Da mihi virtûtem contra hostes tuos.

Orémus.

CONCEDE, miséricors Deus, fragilitâti nostræ præsidium : ut, qui sanctæ Dei Genitricis memóriam ágimus, intercessiônis ejus auxilio, a nostris iniquitatibus resurgâmus. Per eúndem Christum Dóminum nostrum. R. Amen.

ÿ. Divinum auxiliûm máneat semper nobiscum. R. Amen.

Depuis le saint jour de Pâques inclusive-

ment, jusqu'à None du Samedi après la Pentecôte, aussi inclusivement :

ANTIENNE.

REGINA cœli, lætare, allelúia ;
Quia quem meruisti portâre, allelúia,
Resurrexit sicut dixit, allelúia.
Ora pro nobis Deum, allelúia.

ÿ. Gaude et lætare, Virgo María, allelúia.
R. Quia surrexit Dóminus vere, allelúia.

Orémus.

DEUS, qui per resurrectionem Filii tui Dómini nostri Jesu Christi mundum lætificâre dignâtus es, præsta, quæsumus, ut, per ejus Genitricem Virginem Mariam, perpétuæ capiâmus gaudia vitæ. Per eúndem Christum Dóminum nostrum. R. Amen.

ÿ. Divinum auxiliûm máneat semper nobiscum. R. Amen.

Depuis la fête de la très-sainte Trinité inclusivement, jusqu'à l'Avent :

ANTIENNE.

SALVE, Regina, mater misericórdiæ; vita, dulcêdo et spes nostra, salve. Ad te cla-

mámus éxules filii Hevæ. Ad te suspirá-
mus geméntes et flentes in hac lacrymárum
valle. Eia ergo, advocáta nostra, illos tuos
misericórdes óculos ad nos convérte. Et Je-
sum, benedíctum fructum ventris tui, nobis
post hoc exilium osténde. O clemens, o
pia, o dulcis Virgo María !

ŷ. Ora pro nobis, sancta Dei Génitrix.
R. Ut digni efficiámur promissionibus
Christi.

Orémus.

OMNIPOTENS sempitérne Deus, qui gloriósæ
Virginis matris Mariæ corpus et ánimam,
ut dignum Filii tui habitáculum éffici me-
rerétur, Spírítu sancto cooperánte, præpa-
rásti, da, ut cujus commemoratióne lætá-
mur, ejus pia intercessióne ab instántibus
malis, et a morte perpétua liberémur. Per
eúmdem Christum Dóminum nostrum.
R. Amen.

ŷ. Divínium auxiliium máneat semper no-
biscum. R. Amen.

A PRIME.

Ave, María, etc., *tout bas.*

DEUS, † in adjutórium meum inténde.
R. Dómine, ad adjuvándum me festína.
ŷ. Glória Patri, et Filio, et Spírítui sancto.
R. Sicut erat in princípío, et nunc, et semper,
et in sæcula sæculórum. Amen. Allelúia ;
ou Laus tibi, Dómine, Rex æternæ glóriæ.

HYMNE.

MEMENTO, rerum Cónditor,
Nostri quod olim córporis,
Sacráta ab alvo Virginis,
Nascéndo, formam sumpseris.

María, Mater grátiaë,
Dulcis Parens cleméntiaë,
Tu nos ab hoste prótege,
Et mortis hora súscipe.

Jesu, tibi sit glória,
Qui natus es de Virgine,
Cum Patre, et almo Spírítu,
sempitérna sæcula. Amen.